



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Alboldus Abbas VI.

[urn:nbn:de:hbz:466:1-64362](#)

SÆCULUM II.

*Ab Anno Christi 915. ad Annum 1015.
numerat Abbates duos*

Alboldum & Heribertum.

ALBOLDUS ABBAS VI.

SÆculum 2dum auspicamur, quod Monasterio nostro neque secundum, neque auspicatum fuit: adeò enim misero loco hâc ætate illud fuisse accepimus, ut, cùm necessaria vitæ sustinendæ subsidia desideraret, per annos ferè octoginta squallidum jacuerit sine Abbatे, & religiosa familia; dum tandem circa annum Christi 1001. regnante Henrico Imperatore ex tot tantisque calamitatibus emerget præesse jusso Albodo Abbatе. Extremæ autem, quacum conflictabamur, penuriæ nostræ succurrit Henricus Wirzburgensis Episcopus, qui pro congenitâ sibi Comitum Rottenburgicorum in nos pietate ab Henrico Imperatore hujus nominis 2do literas exoravit, quibus facultates & bona à nostro Monasterio avulsa variéque distracta nobis denuò adjudicabantur, & antiqua Abbatiae nostræ privilegia

B 3

legia

legia authoritate Cæsareâ stabilita fuerunt; usus ad hanc rem operâ D. Kunegundis pientissimæ Imperatricis. Alboldus Monasterio annis 12. aut, ut alii legunt, 13. laudabiliter præfuit, & piè obdormivit in Domino.

HERIBERTUS ABBAS VII.

Alterum & sæculi hujus postremum Abbatem Monasterium habuit Heribertum, qui illius regimen anno Domini 1013. adiit, duorum duntaxat annorum spatio comprehensum. Sub ea tempora in urbe Wirceburgensi Monasterium S. Stephani Proto-Martyris, & alia Ecclesia SS. Petri & Pauli ab Episcopo Wirceburgensi Henrico extructa sunt.

SÆCULUM III.

Ab Anno Christi 1015. usque ad annum 1115. continet Abbates sex

Waltherum, Wolffgerum, Eggeber-
tum, Burckardum, Altmannum,
Rupertum.

Annus Domini millesimus decimus quintus
Monasterio nostro octavum Abbatem dedit,
cui